



74
6644
11





大清通禮卷四十一

軍禮

大軍出征奏捷上所獲於

京師乃獻俘於

太廟

社稷祇告成事獻俘

太廟之禮前期有司諏吉以

聞翰林院撰祝文

祝辭隨時撰擬

太常寺以祝版送內閣恭書受

而奉諸

神庫承祭官執事官應陪祀之文武百官咸致齋御史
禮部光祿寺官祇割牲均如儀。屆日五鼓宗室官入

廟恭請

中殿神位奉安於

前殿供備陳設陪祀執事各官詣

廟祇竣均朝服兵部司官朝服率解俘將校豫以白組繫俘

頸由西長安門至

天安右門入候於

太廟街門外黎明承祭官朝服至俘跪伏承祭官入

廟就位陪祀執事各官咸就位立祇告獻俘讀祝行三獻禮

陪祀官均隨行禮是日並遣官告祭

後殿凡陳設行禮儀節並與時饗同儀詳吉禮

右太廟獻俘

同日獻俘

社稷前期有司供備翰林院撰祝文陪祀王公百官致齋

均如祭

太廟之儀屆日獻俘

太廟禮畢兵部司官以俘候於

社稷街門外。承祭官朝服至。俘跪伏。承祭官就拜位行禮。

陪祀官均隨行禮。凡陳設及行禮儀節。並與春秋所

報禮同。儀詳吉禮禮畢。兵部司官以俘仍由原入之門出。

各官皆退。

右社稷壇獻俘

獻俘翼日

皇帝御午門受俘。受俘之禮。前期兵部徧布諸司戒辦。屆

日工部官設

御座於

午門樓正中。武備院官張黃蓋於樓檐下。鑾儀衛官陳

法駕鹵簿。樂部和聲署陳樂懸。設饒吹軍樂於樓下。設丹

陛鹵簿。左當

闕左門之北。右當

闕右門之北。靜鞭仗馬。在其次。設丹墀鹵簿於

闕左門

闕右門之南。金鼓在其次。丹陛大樂在金鼓之次。輦輅

設於

天安門外金水橋南。馴象設輦輅南。均夾甬道分列。如

儀鴻臚寺序定班位。內大臣率侍衛蟒袍補服。立兩翼樓階上。護軍統領率護軍立階下。均佩刀環衛前。引大臣十人。立樓檐外階上。東西面後扈內大臣二人。在。

御座旁左右僉立豹尾班侍衛佩刀侍衛在。

御座後左右翼立記注官立前楹之西。東面北上。承

旨大臣二人。鴻臚寺鳴贊二人。立於階下。東西面。變儀衛

傳鳴鞭官立西。鳴贊官之次。東面均北上。侍儀內閣

大學士學士翰林院學士都察院左都御史副都御

史立丹陛。鹵簿之北。東西面糾儀御史四人。禮部司

官四人。鴻臚寺官四人。立丹陛鹵簿之南。又御史四

人。禮部司官四人。鴻臚寺官四人。立丹墀鹵簿之南。

均東西面北上。王貝勒貝子公拜位。在丹陛鹵簿內。

甬道東西。文武百官拜位。在丹墀鹵簿內。甬道東西。

重行異等。均北面。東位西。上西位東。上。兵部刑部尙

書侍郎。立於西丹墀鹵簿之後。

右陳設序位

漏未盡。王公朝服。立。

闕左右門北。百官朝服立。

闕左右門南。均按翼東西。祗候。兵部司官率解俘將校

以俘由西長安門至。

天安右門入。立於右翼金鼓之後。刑部司官立。兵部官

之次。黎明。執事官咸就位。禮部尚書侍郎詣

乾清門奏時。遂前導。

駕。

皇帝禮服。乘輿出宮。前引後扈。如常儀。

午門鳴鐘鼓。

駕至。

太和門。大樂銑吹金鼓振作。禮部尚書侍郎恭導。

皇帝登。

午門樓。至前楹。降輿。

御黃幄。

陞座。畢。樂止。鑾儀衛官傳鳴鞭。校尉三鳴鞭。鳴贊贊進俘

丹陛樂作。奏慶平之章。樂辭詳見序班引解俘

將校自丹墀。鹵簿之南。進至。

御道西。北面贊進。少進。贊跪叩。與將校行三跪九叩禮。與

樂止。贊退。引將校退。復原位立。鳴贊。贊受俘。兵部司
官率將校以俘至右翼金鼓之下。北面跪。匍伏。兵部
尚書趨至。

午門前

御道西。跪奏平定某地所獲俘囚。謹獻。

闕下。興。少退。東面立。刑部尚書趨至。兵部尚書之右。承
旨大臣傳。

制鴻臚寺官接宣曰。所獻俘。交刑部。刑部尚書趨進。北面
跪領。

旨訖。興。偕兵部尚書退。復位。兵部司官以俘交刑部司官。
械繫。由原入之門出。鳴贊。贊齊班。丹陛樂作。序班分
引王公百官。各就拜位立。聽贊行禮。如常儀。畢。樂止。
鳴鞭。如初。

駕興。大樂饒吹金鼓振作。

午門鳴鐘。

皇帝乘輿還宮。樂止。衆官皆退。是日。
賜解俘官兵燕於兵部。翼日。

午門外

賜解俘官兵冠履銀幣有差。

右受俘

大清通禮卷之四十二

軍禮

日食救護之禮前期五月欽天監豫推

京師各省及蒙古諸部落朝鮮國所見日食分秒時刻。

疏

聞。下禮部。徧布中外。屆期祇行救護。前一月具疏。傳在京
文官漢武官會禮部。行救護禮。八旗滿洲蒙古漢軍
都統副都統率屬於所部警備各救護於公署至日。
順天府官飭役赴部。潔掃堂署內外。設香案於露臺。

上鑪祭具。

早晚隨日為向

布百官拜席於香案後。鑾儀衛率

官校至部陳金鼓於儀門外。龍旗御仗各二。引仗各

六。鼓二十有四。金鉦一。畫角十有二。掌以民尉。列甬

道東西百官朝服。詣部祇候。乃辨位。宗人府吏部翰

林院詹事府通政司吏科國子監為一班。內閣戶部

戶科禮科太常寺鴻臚寺欽天監為二班。兵部兵科

理藩院鑾儀衛上駟院武備院太僕寺步軍統領及

漢武官為三班。刑部都察院大理寺刑科光祿寺順

天府京縣五城為四班。內務府工部工科中書科太

醫院為五班。每班皆禮部尚書侍郎一人領之。禮部

官屬各附於班末。糾儀御史四人。禮部司官四人。鴻

臚寺鳴贊二人。序班二人。分列於香案前左右。欽天

監博士一人。候時。樂部署史二人。奉鼓。俟於露臺下

欽天監官報日初。虜鳴贊贊齊班序。班引百官至拜

位前立。重行異等贊進。少進贊跪叩。與眾行三跪九

叩禮。興贊上香。禮部尚書進至香案前。三上香。畢復

位贊跪。皆跪。贊伐鼓。署史奉鼓進。跪於左。禮部尚書

伐鼓三聲。儀門外金鼓振作。乃按班更番上香。祇跪

御史禮部鴻臚寺官更番祇立。並如前儀。欽天監官報日復圓。金鼓聲止。鳴贊贊齊班。百官至拜位前立。聽贊行禮如初。畢各退。是日禮部祠祭司官二人。欽天監博士二人。赴觀象臺測驗。向日設香案。初虧復圓行三跪九叩禮。如儀。

右日食救護

月食救護於太常寺前期。欽天監禮部疏聞。屆日陳設執事及行禮儀節。並與救護日食禮同。

右月食救護

直省府州縣衛。遇日月食。各按欽天監推定時刻分秒。隨地救護。省會於督撫署。府州縣衛各於公署。均以督撫及正官一人領班行禮。正貳教職二人。糾儀國學弟子員二人。通贊三人。引班陰陽官一人。報時。至日班首官。上香伐鼓。眾官祇跪行禮。並與

京師救護同。儀右直省救護。

朝貢之禮。凡四夷屬國。按期修職貢。遣其陪臣。

京師郊廟同。如初畢各退。是月禮部
報中直省錄。如初畢各退。是月禮部

日。取首官。土香。外。焚。與。官。進。龍。行。獻。並。與。
學。弟。千。員。一。人。獻。贊。一。人。侍。班。制。官。一。人。辨。執。至。
以。管。無。文。五。官。一。人。貶。班。行。獻。五。項。華。繼。二。人。採。辦。
味。調。此。非。燕。省。會。公。管。無。署。印。以。繼。蓋。谷。公。署。良。
直。省。印。以。繼。蓋。日。日。食。谷。封。益。天。盟。卦。實。執。故。衣。

大清通禮卷之四十三

賓禮

周禮。大行人掌賓客之禮儀。九州以外謂之蕃國。各以其貴寶為摯。

國家聲教既訖。四夷來賓。徼外山海諸國。典之禮部。百餘年來。

勅封燕齊諸典。儀文詳洽。爰輯為賓禮。而百官士民相見儀節。以類附於後。

朝貢之禮。凡四夷屬國。按期修職貢。遣其陪臣。齎表

文方物來朝

京師貢使將入境。朝鮮以禮部通官二人迎於

盛京。鳳凰城。安南。琉球。緬甸。暹羅。荷蘭。蘇祿。南掌。諸國。

貢道所經之省。督撫遣佐貳雜職官一人。迎於邊界。

西洋。以內務府司官及西洋人供職。欽天監者各一

人。迎於廣東。皆給以郵符。經過地方。有司供其次舍。

廩餼。車舟。夫馬。沿途營汛。遞遣官軍防護。以達於

京畿。禮部豫行工部修飾館舍。備器用薪炭。戶部給粟

米芻豆。光祿寺給牲魚酒漿蔬果之屬。既至。提督會

同四譯館鴻臚寺少卿。飭屬延接入館。以時稽其人

衆。均其飲食。

右迎來

貢使就館。翼日。檢其方物表文。暨從官。各服本國朝

服。以俟。禮部儀制司官設表案於堂上。正中。黎明。館

卿朝服。率貢使詣部。由左角門入。恭俟階下之左。正

使奉表在前。副使次之。從官在後。禮部侍郎一人。出

詣案左立。儀制司官二人。鴻臚寺鳴贊二人。分立於

左右楹南。均朝服。館卿先升階。立左楹。鳴贊之右。鳴

贊贊進表。司賓序班二人引貢使升階立。副使從升。少後立。從官隨序立。贊跪。貢使以下皆跪。贊接表。正使舉表。館卿恭接。以授侍郎。侍郎受表。陳於案正中。復位。贊叩興。正使以下行三跪九叩禮。興。序班引退。館卿率以出。儀制司官送表內閣。埃。

命下。禮部以方物分納所司。

右進表貢方物

貢使上表訖。恭遇大朝常朝。

皇帝御太和殿。百官行禮畢。序班引貢使暨從官詣丹墀。

西班牙末聽贊行禮。

賜坐。

賜茶。如儀。詳見嘉禮若不遇朝期。禮部諏日。奏請。

召見。館卿豫戒貢使及通事官。習肄禮儀。至日。率貢使。服。

其國公服。通事補服。詣。

官門外。祇埃。

皇帝常服。

御便殿。領侍衛內大臣。內大臣。侍衛。左右侍立。如常儀。禮。

部尚書一人。蟒袍補服。引貢使入。通事隨入。至丹墀。

大清通志 卷四十三 三
西行三跪九叩禮畢。引出西階升。至

殿門外跪。

皇帝降

旨慰問。禮部尚書承傳。通事轉諭貢使。貢使對詞。通事譯言。禮部尚書代奏。禮畢。與引自西階降。出退。如待以優禮。是日。

皇帝御便殿。侍衛如前。議政大臣暨八旗大臣咸蟒袍補服入。

殿。按翼侍立。禮部尚書引貢使至丹墀西。行三跪九叩禮。與引出西階升。入。

殿右門。立右翼大臣之末。通事隨入。稍後立。

皇帝有

旨賜坐。領侍衛內大臣內大臣。議政大臣。八旗都統副都統。禮部尚書就立位一叩。序坐。貢使隨跪叩坐。乃

賜茶。尚茶進。

皇帝茶。眾跪叩。侍衛徧授大臣及貢使茶。咸跪受。一叩坐。飲畢。跪叩如初。

皇帝降

旨慰問。貢使跪聆答奏。皆禮部尚書承傳。通事譯言。如前

儀。禮畢。禮部尚書引貢使出。至朝房承

旨賜貢使尚方飲食。訖館卿率以退。翼日黎明。領赴

午門外謝

恩。鴻臚寺傳贊。序班引班貢使就丹墀西北面。行三跪九

叩禮。如儀退。

右朝見

朝貢禮畢。禮部疏請頒

賜國王並燕資貢使及其從官。從人既得

旨。移諸司供備。屆日。所司陳

賜物於

午門外道左。皮幣。布帛。白金。陳於案。馬。陳於庭。鞍轡具

惟朝鮮國王及貢使館卿朝服率貢使暨從官各服其國

朝服。由東長安門。

天安門。

端門。至西朝房前。東面序立。祇候。禮部侍郎一人。立案

南。西面。主客司官從立。御史四人。鴻臚寺鳴贊二人

分立

御道左右東西面序班二人立貢使之北東面均朝服鳴贊贊齊班序班引貢使至西丹墀內以次序立北面東上贊進衆進贊跪叩興行三跪九叩禮畢主客司官奉頒給國王

賜物前授貢使貢使跪受轉授從人乃以次頒貢使及從官從人

賜物主客吏奉授各跪受訖贊叩興復行三跪九叩禮興引退館卿率貢使及從官從人出

賜燕於禮部如儀詳見嘉禮畢皆退

右燕賚

事竣貢使將回國光祿寺備牲酒果蔬禮部侍郎一人詣館舍筵燕如在部儀朝鮮南掌仍以迎接官伴送出境安南琉球緬甸暹羅荷蘭蘇祿禮部奏

遣司官一人伴送西洋以原迎官二人給郵符沿途供館舍車舟飲食官軍防護如初來禮至貢道所經省會

賜燕司道一人主之儀與禮部燕同督撫大吏別遣官送出境自京伴送官以事竣復

命於

朝。

右送往

勅封外國之禮。凡朝貢之國。世子嗣位。權攝國事。遣其陪

臣請

命於

朝。禮部疏

聞得

旨報可。工部製

節。內閣撰

勅。

印世傳授。

均送禮部。禮部奏

造正副封使各一人持

節齋

勅。往封。朝鮮封使。以內大臣。禮部滿侍郎。內閣滿學士。侍

衛。充服色儀從。各從其品。安南。琉球。以翰林院侍讀

侍講。編修檢討。六科給事中。禮部郎中。員外郎。主事

內閣中書。充

特賜一品麒麟服儀從。皆視一品。啟行之日。工部給龍旗

御仗牌繖兵部給乘傳防護官軍皆候於禮部大門
內禮部儀制司官設案於堂上正中陳

節於左陳

勅於右尚書侍郎二人於案左右立儀制司官二人隨其
後均朝服封使朝服詣部至堂中跪儀制司官一人
奉

節一人奉

勅各授尚書侍郎以授正副使皆恭接以興出儀門外官
軍接奉加節衣負

勅書乘馬行旗仗前導使者易征衣乘傳偕行

右遣使

封使入所封國境其國邊吏供備館傳夫馬所經之
地文武官出郊跪接如迎

詔書之儀將及國嗣封國王遣其陪臣出郊迎接

勅書勞使者節館舍供張於國門之外備龍亭香亭旗仗
鼓樂祇候於館列屏於王殿上設案於正中前設香
案均南向設國王受封位於香案南拜位於受封位
之南設衆官拜位於庭內東西皆北面贊禮二人位

國王拜位之北引禮二人位贊禮之南引班四人位
衆官拜位之北皆東西面樂陳於門內儀仗陳於庭
中皆左右分列使者既及國迎接官迎至館恭設

節

勅於龍亭內馳報國王王率其國陪臣朝服郊迎迎接官
以龍亭行香亭旗仗鼓樂前導使者乘馬從國王以
下咸跪候過輿隨入國門至府龍亭入中門升階陳
於正中使者及階下馬從升執事者脫節衣奉

節授正使持前行奉

勅授副使隨行入殿使者陳

節

勅於中案皆退立案東宣讀官立於使者之後引禮引國
王就拜位北面引班引衆官均就拜位北面立贊禮
贊跪王率陪臣皆跪贊叩興國王以下行三跪九叩
禮興國王進至受封位前贊禮贊跪國王跪副使進
奉

勅書付宣讀官西面展讀訖以

勅書授國王國王祇受轉授從官跪接以興副使復位國

王三叩興退。至拜位前。贊跪叩興。國王以下復行三跪九叩禮。與率其陪臣出埃門外。正使奉

節詣龍亭。執事者加節衣陳於亭。昇出。使者隨出。國王以下跪送。使者以

節詣館。國王乃易常服。適館。勞使者。揖讓行禮。畢退。饗燕。致饗餼。如儀。及歸。率其陪臣跪送

節於國門外。如初迎禮。使者回朝。以事竣復

命還

賜服於所司。

右國王受封

使者既還

朝。國王乃修表文。具方物。遣其陪臣詣

闕謝

恩。廩餼燕賚。均如常朝貢之儀。

右國王表謝

若外夷歸誠。初奉

朝命者禮部奏請

命正副使持

節齋

勅印往封儀與前同若荒遠阻絕之區以

勅書授來使齋回儀制司官設案於

午門外甬道上正中陳

勅尚書一人立案左儀制司官隨其後鴻臚寺鳴贊二人

立甬道左右均朝服館卿率來使朝服入至西丹墀

內祇候鳴贊贊授

勅序班引詣案前北面贊跪來使跪儀制司官一人奉

勅授尚書以授來使恭接授從官興退詣丹墀之西聽贊

行三跪九叩禮畢乃恭齋回國以授其國王遣使詣

闕謝

恩如儀

恩收謝

關備

計三跪。出門。顛。拜。以恭。禮。回。國。以。致。其。國。王。歡。對。前。博。受。尚。清。以。受。來。對。恭。對。對。對。官。與。對。請。具。敬。之。西。離。貴。順。乳。張。民。請。案。前。北。面。贊。進。來。對。跪。謝。歸。同。官。一。人。奉。

大清通禮卷之四十四

賓禮

外藩親王見宗室親王之禮。賓及門。王府屬官入告。主人降階迎。賓辭。主人升。賓從。賓入門而右。西位東面。主人入門而左。東位西面。各行二跪六叩禮。畢。即席序坐。位如之。賓之從官。階上二跪六叩。興。入右門。隨坐於賓後。執事者進茶。賓受茶。叩。主人答叩。飲茶。敘語畢。從官趨前楹跪。一叩。興。趨出。賓起離席。叩。主人答叩。皆興。賓辭出。主人送賓於階下。退。府屬官送。

於府門外。賓退。屬官乃退。若外藩郡王見。主人迎送。不降階。相見。賓二跪六叩。主人答一跪三叩。餘跪受。賓辭出跪叩。主人答跪不叩。餘如親王見儀。外藩貝勒見。人自中門闌左。王出坐迎。貝勒行二跪六叩禮。王立受。王就位正坐。貝勒侍坐。從官行禮。隨坐。如儀。貝勒受茶。一叩。飲茶。敘語畢。從官先出。貝勒離席跪叩。辭退。王出坐。府屬官送於府門外。外藩貝子。公。見。府屬官引至殿外。行二跪六叩禮。王坐受。辭出跪叩。王坐受亦如之。餘如貝勒見儀。

右宗室外藩親王相見

外藩親王見宗室郡王之禮。賓至。主人迎於大門內。肅賓入。及階讓升。主人由東。賓由西。及門。讓入。主人就右。西面。賓就左。東面行二跪六叩禮。東西序坐。從官行禮。隨坐待茶。辭退。均如內外親王見儀。主人送賓於大門內。府屬官送於府門外。各退。若外藩郡王見。與內外親王相見儀同。外藩貝勒見。與外藩郡王見親王儀同。外藩貝子。公。見。與外藩貝勒見親王儀同。

右宗室外藩郡王相見

外藩親王見宗室貝勒之禮。賓至。主人出迎於府門外。肅賓入。賓先行。主人少後從行。升階亦如之。主人入門而左。東面。賓入門而右。西面。各行一跪三叩禮。東西序坐。從官行禮。隨坐。均如儀。待茶。辭退。賓皆一叩。主人答。送賓於府門外。乃退。若外藩郡王見。行禮。坐次。視親王。主賓出入並行。迎送及於大門。府屬官送於門外。外藩貝勒見。行一跪三叩禮。餘與內外郡王相見儀同。外藩貝子。公。見。行一跪三叩禮。主人跪受。餘與外藩貝勒見郡王儀同。

右宗室外藩貝勒相見

外藩親王。郡王。貝勒。見宗室貝子。公。之禮。賓至。主人迎於大門外。賓自西先行。主人自東少後行。升階。入門。亦如之。主人位左。賓位右。東西面。各行一跪一叩禮。序坐。從官行一跪一叩禮。隨坐。待茶。如前儀。從官先一叩。辭退。賓主各一叩。興。主人送賓於大門外。候乘馬。乃退。若外藩貝子。公。見。行一跪一叩禮。餘與外藩貝子。公。見。貝勒儀同。

右宗室外藩貝子公相見

京官敵體相見之禮。賓及門。從者通名。闈人入告。主人肅衣冠。出迎於大門內。揖賓入。每門讓於賓。及階讓升。及門讓入。賓主皆北面再拜。與主人爲賓設坐。西面。賓禮辭揖。主人答揖。卒正坐。賓爲主人設坐。東面。揖如之。主人揖賓就坐。執事者進茶。賓受茶。拜手。主人答拜飲茶。敘語畢。賓告辭揖。主人答揖。降階。賓辭。主人固請。乃送賓於大門外。視賓乘輿馬。主人乃退。尚書左都御史。見大學士。儀亦如之。一品至八九品官。敵體相見。儀並同。三品以下。京堂官。翰詹科道。見大學士。主人迎於儀門內。送出大門外。不視乘輿馬。餘儀同科道。見左都御史。副都御史。各部尚書。主人送出大門外。退。不視乘輿馬。餘儀同翰詹科道。與閣部。院寺。監屬官相見。均與敵體相見。儀同。有尊卑名分者。均各盡其尊卑之禮。

右京官敵體相見

閣部。院寺。監屬官。見其長官之禮。初見。屬官公服詣署。首領官引至堂上。以銜名履歷呈於各長官坐案。

屬官以次向坐三揖。長官避席答揖。退若燕見。至大門外下輿馬。俟於門內。闈人通名。人見。長官迎於階下詣廳事。廳事以南向為率。屬官當楣北面三揖。長官東面答揖。序坐。屬官東位西面。旅見則以次東西面。長官位於西南。東北面。命坐揖。茶至。揖。凡屬官揖。長官皆答揖。啟事畢。三揖如初。辭出。長官送於二門外。屬官出大門稍遠。乘輿馬。見大學士。儀同。

右在京屬官見長官

國學生見國子師之禮。初見。弟子公服。具名東。國學首領官引至堂上。北面三揖。師立受。辭退。北面三揖。出若燕見。通名。俟於門內。師召入。迎於階上。弟子升階。俟師前行。隨入堂。當楣北面再拜。師西面答揖。師命坐。弟子北面揖。趨正師坐。畢。侍坐於側。東位西面。旅見則以次列坐。北上。師位於西南。東北面。請問。揖。茶至。揖。辭退。北面三揖。師皆答揖。師出送前行。弟子從。及二門外。弟子三揖。俟師入。乃退。翰林院庶吉士見大學士及見教習庶吉士。儀同。

右國學師弟子相見

直省官敵體相見之禮。賓至署。從者通名。門吏啟門。賓肩輿入。儀衛止儀門外。主人出迎。賓至外堂檐下。降輿。主人揖賓入。每門讓於賓。及廳事。各再拜。輿主人爲賓設坐。西面。賓禮辭揖。主人答揖。賓爲主人設坐。東面。揖如之。主人揖賓就位。坐執事者進茶。主賓各拜手飲茶敘語。畢。賓避席揖辭退。主人答揖。賓出。主人送至外堂檐下。視乘輿。主人退。賓肩輿出。如來儀。學政。鹽政。及欽差官與督撫相見儀同。文職督撫司道以下府州縣佐雜以上。武職提鎮以下。千把總以上。凡敵體官相見儀並同。

右直省官敵體相見

直省文屬見長官之禮。司道見督撫。初見具銜名履歷。公服詣署。至大門外降輿。入及儀門。由左門入。督撫迎於外堂屏內。督撫先行。司道隨入。及廳事。司道當楮北面稟參。督撫辭乃三揖。督撫西面答揖。督撫正坐。司道東旁侍坐。旅見則以次東西而命坐。揖茶至。揖。凡司道揖。督撫均答揖。辭出。三揖如初。督撫送至屏門外。

司道三揖。俟督撫入門。復三揖。趨出。至大門外乘輿返。若公事謁見。常服。通銜名。三揖。就坐。餘如前儀。知府見督撫。督撫不迎送。餘如司道見儀。同知。通判。見督撫。轅門下輿馬。餘與知府見同州縣見督撫。轅門外下輿馬。升堂。北面再拜。辭退。三揖。督撫皆立受。餘如知府見儀。知府同知通判。見司道。司道迎送於屏門外。道迎送於堂檐下。坐次。知府等東位。西面。司道位於西南。東北面。餘如見督撫儀。州縣見司道。司道不出迎。見畢。辭出。司道送於階下。道送於屏門外。餘如知府見儀。州縣見知府。迎送於屏門外。餘如見司道儀。見同知通判。迎送於堂檐下。餘儀同。直隸州知州。見長官及接屬官。儀與知府同。直隸州州同。州判。見長官。儀與州縣同。教職見督撫。司道知府等官。均如知縣見儀。首領佐雜官見督撫。行一跪三叩禮。不坐。見司道知府。儀同。府首領縣佐貳等官。見同知通判。如州縣見司道儀。雜職官見同知通判。行一跪三叩禮。不坐。雜職官見知縣。如州縣見知府儀。

右直省文官見長官

直省武屬見長官之禮。副將見提督。初見具銜名。披執。轅門外下馬。門吏稟白傳命免披執。易公服。由左門入。升堂。北面稟參辭。三揖。提督西面答揖。坐次。提督正坐。副將侍坐。茶畢。辭退。三揖如初。提督送至階下。常見不披執。餘儀同。見本鎮總兵官。迎送於堂後屏外。坐次。副將東位。西面。總兵官位西南。東北面。餘如見提督儀。參將遊擊見提督。北面跪三叩。辭退。三揖出。提督起立答揖。不送。餘如副將見儀。見總兵官。如副將見提督儀。見本鎮總兵官。起立。不送。都司守備。見提督暨總兵官。披執。北面跪。自宣銜名。三叩。提鎮坐受命坐。西面席地坐。不設茶。辭出。三叩。趨退。提鎮不起立。公事謁見。常服。不宣銜名。餘儀同。千把總見提督暨總兵官。跪啟事。不坐。餘與都守同。參將遊擊。見本協副將。如見總兵官儀。辭出。副將離位送。都司守備。見副將。行一跪三叩禮。副將不揖。不送。餘如參遊見儀。都司守備初見本管參將遊擊。行庭參禮。辭出。本管官離位送。常見三揖。本管官答揖出。揖如初。若非本管官。送迎及大堂屏後。餘儀同。千總以下

官見副將參將遊擊與見總兵官同。千總見都司守備與守備見參遊同。把總見都司守備跪三叩辭出。都司起立不送。餘與千總同。

右直省武職見長官

司道見學政。具名銜。二門外下輿馬。由中門入。學政迎於堂檐下揖入。行賓主禮。若學政爲三品以上大臣。司道謁見。與見督撫儀同。知府同知通判見學政行三揖禮。餘如見督撫儀。州縣見學政。與見督撫儀同。凡州縣行禮。學政避席答揖。教職見學政。與知縣見同。凡教職行禮。學政立受。首領佐雜官見學政。與見督撫儀同。司道以下官見鹽政。及

欽差官均與見學政儀同。運使鹽道見鹽政。與司道見督撫儀同。運判等官見鹽政。與知府見督撫儀同。科目出身鹽大使見鹽政。與知縣見督撫儀同。

右直省官見學政鹽政

順天奉天府屬官相見之禮同品官僚。視直省敵體見儀治中。通判見府尹。如直省司道見督撫儀見府丞。如司道見學政儀。屬下州縣教職見府尹。如見督

撫儀。見府丞如見司道儀。見治中通判如見府倅儀。
經歷以下官。見府尹丞。治中通判如直省首領官。見
知府倅儀。奉天府屬知府。見府尹。如直省知府。見
督撫儀。見府丞。如見學政儀。府州縣見
盛京五部侍郎如見府尹儀。

右京府官屬相見

直省文武官相見之禮。提督見總督。由中門入。總督
出迎於大堂檐下。揖讓入。升堂。三揖。畢。總督正坐。提
督僉坐。若提督兼世職者。總督東位。西面。提督西位。
東面。辭出。總督送至堂檐下。視乘輿。退見巡撫。行賓
主禮。總兵官見總督。與司道見儀同。見巡撫。行賓主
禮。副將見總督。初見。披執。一跪三叩。侍立。待茶。辭退。
三揖出。見巡撫。與知府見儀同。叅將以下官。見總督。
行一跪三叩禮。千總以下官。見司道。儀同。司道見提
督。如提督見總督儀。見總兵官。行賓主禮。知府同知
通判。見提督。總兵官如司道。見提督儀。州縣。見提督。
具銜名。由左門入。提督迎於階下。升堂。北面三揖。坐。
次提督正坐。州縣侍坐。辭出。三揖如初。提督送至屏

門外見總兵官儀同八九品以下佐雜官見提督總兵官行一跪三叩禮

右直省文武官相見

直省滿漢官相見之禮。鎮守將軍副都統與督撫提鎮相見。行賓主禮。司道以下官見將軍與見總督儀同。見副都統與見總兵官儀同。協領叅領見督撫與司道同。佐領防禦見督撫與知府同。驍騎校以下官見督撫與州縣同。餘不相統屬者均行賓主禮。

右直省滿漢官相見

儒學弟子員見學師之禮與國子生見國學師儀同。學政蒞任後釋奠學宮講學於彝倫堂。教職引學弟子員謁見均公服。北面再拜。學政立受。歲科試畢學弟子員列一二等者均公服。祇跪於學政堂下。學政升堂北面三揖。學政立受。闕卷畢退。三揖出入。泮謁見禮亦如之。

右直省學校師弟子相見

士人敵體相見之禮。賓及門從者通名。主人出迎於大門外揖入及門及階揖如初登堂主賓均北面再

拜興。主人趨正賓坐。賓禮辭。主人卒正坐。左還賓正主坐。亦如之。卽席。賓東位西面。主人西位東面飲茶。序語畢。賓退。揖主人。及階及門。揖辭。主人均答揖。乃送賓於大門外。揖如初。若見父之執友。與見尊長儀同。

右賓友相見

受業弟子見師長之禮。初見。師未出。先入設席正位。俟於堂下。師出。召見。乃奉贄入。奠贄於席北面。再拜。師起答揖。與問起居。命之坐。乃侍坐。有問。則起而對。辭出三揖。師不送。常見侍坐。請業則起。請益則起。師有教。立聽。命坐。乃坐。師問更端。仍起而對。朝入一揖。暮出一揖。與同學弟子。均以齒序。

右受業弟子見師長

卑幼見有服尊親之禮。及門。從者通名。俟外次。尊長召入。見。升階北面再拜。尊長西面答揖。命坐。視尊長坐次。侍坐於側。茶至。揖敘語畢。稟辭。三揖。凡揖尊長。皆答出。尊長不送。若尊長來見。卑幼迎送於大門外。行禮坐次如前儀。

右卑幼見尊長

大清通禮卷之四十五

凶禮

周官凶禮有五。喪居其首。昭慎終也。唐顯慶禮。刪國恤之條。後世遂末由詳考厥制。下逮臣庶。罕得遵循。或泥古而失其情。或從俗而違於義者。有之。我

朝孝治光昭。與成周媲美。三年之喪。自

天子達於庶人。其間稱情立文。垂為典則。王道使民無憾。胥於是乎見焉。謹詳著於篇。

列聖喪禮疾大漸。

召

嗣皇帝侍側。王大臣數人承

簡命入。恭紀

遺詔。初崩。王大臣奉

嗣皇帝正主喪位。去冠飾。哭踊。

宮中。自

皇后。

皇貴妃。

貴妃。

如。

嬪以下。咸去首飾。陳小殮。人皆命曰。亦附。公。主。漸。晉。

冠服。

嗣皇帝奉以進。哭踊。視小殮。畢。所司恭奉

梓宮於宮中正殿。

嗣皇帝哭踊。恚

梓宮。視大殮。畢

命王大臣治喪事。禮部內務府。會疏喪儀。辨服制。

嗣皇帝成服。

皇子。

皇孫隨成服。

皇后。

皇貴妃。

貴妃。

妃。

嬪以下。公主。皇子。皇孫。福晉。同時成服。王公百官宗室

覺羅及內務府所屬官人。皆給白布制服。公主福晉

以下。三等待衛妻以上。及內務府所屬婦女。咸去首

飾。給布制服如之。

皇帝服三年喪。居翼室。百日以內

上諭用藍筆。惟

天

地大祀。越紼行事。百日以後。素服

聽政。詣

几筵前。仍喪服。二十七月而除。

皇后。

皇貴妃。

貴妃

妃

嬪服同

皇子

皇孫居

宮中別室治喪儀王大臣及

殯宮守衛執事官人百日除服公主福晉以下侍衛妻以上

及內務府所屬婦女服同羣臣八旗文武官居

闕左門外漢官居各公署服二十七日而除皆百日不

雜髮素服二十七月奏疏文移用藍印二十七日止

昏嫁暮年過音樂二十七月

右初崩成服

既殮迺奠所司於

几筵殿內設綴衣

中黃左
右白

供牀南向坐褥具左右各設牀列

繡展十有四南設供案香合鑪燈具鑿儀衛陳

法駕鹵簿於

乾清門室

太和門外請執事皆辨辨內外哭位

嗣皇帝立殿檐東西向哭衆傳哭。

皇子。

皇孫立丹陛東西面。

皇后立綴衣內東向。

皇貴妃。

貴妃。

妃。

嬪公主皇子皇孫福晉立於後殿下丹墀右為諸王福

晉夫人郡主以下至二品命婦哭位。

隆宗門外為三四品命婦以下哭位。

乾清門外為王以下公侯伯子男及二品以上官哭位。

王公以下二品官以上宗室覺羅命進內瞻仰者入乾清門內序哭。

特

景運門外為三品以下文武官哭位。

非命婦齊集之於右翼官於隆宗

門外序位皆分左右翼序立東西面北上內監啟門治喪

儀王大臣及執事官率尚茶奉茶尚膳奉膳由中門

入至殿前。

皇帝入殿左門詣

几筵前正中立尚茶跪進茶衆皆跪。

皇帝舉茶奠於案行一拜禮衆隨行禮尚茶徹茶次尚膳進膳揭巾冪。

皇帝親上食畢執事官進奠几於正中。

皇帝詣几前跪奉爵王大臣跪進爵。

皇帝祭酒三爵每祭一拜興衆隨叩興乃徹闔門哭止

皇帝還翼室衆各退嗣是朝脯日中三奠朝脯進羹飯肴

饌日中進果筵儀均如前。

右殮奠朝脯日中奠

越日恭頌

遣詔工部官設黃案於

几筵殿內之東內閣學士自閣奉

詔書內閣官前引至

乾清門大學士奉

詔書由中門入至

几筵殿檐下。

皇帝恭受奉安於東案跪三拜興由殿左門出西向立俟

大學士入右門詣黃案前跪三叩奉

詔書興出殿中門。

皇帝跪候

詔書過。興還翼室。大學士奉至。

乾清門外。授禮部尚書。尚書跪受。祠祭司官。以雲盤接奉出頒。

詔於

天安門樓。王公百官喪服。率軍民集外金水橋。跪聽宣讀。畢舉哀。行三跪九叩禮。

詔下禮部恭鐫謄黃。

頒於天下。順天府府尹率屬制服。跪迎於府署。開讀在京。候選官及教習進士。舉貢肄業國子生等。咸集朝夕。哭臨三日。

詔至直省。將軍督撫。率所屬文武官。暨薦紳。師生耆老。素服出郊跪迎。入公廨開讀。分駐之提鎮。率所屬將弁。道府州縣。率所屬丞倅掾吏紳士耆老。素服跪迎於治所。開讀均易喪服。北面行禮。朝夕哭臨三日。喪服二十七日。不薙髮。止昏嫁。百日。過音樂。暮年京師暨直省軍民。男去冠飾。女去首飾。素服二十七日。止昏嫁一月。過音樂百日。遣使頒。

詔於朝鮮國國王率羣臣素服恭迎。止鼓樂。使者就館不受。

燕饗餘如常儀。使還。國王遣陪臣。上表進香。納方物。

其使臣有在京者。給白布制服。遣理藩院官分路頒

詔。外藩蒙古王台吉公主福晉等。入京行叩謁禮。在二十七

日以內。令制服。後二十七日至者。男去冠飾。女去首

飾。各三日。

右頒遺詔

越日諏吉

嗣皇帝詣

几筵前祇告受

命。出更禮服。

御太和殿卽

皇帝位。儀詳吉禮。禮畢。反喪服。

右祇告卽位

諏日。殷奠。前期。翰林院撰擬祭文。至日五鼓。工部官

設幕於

乾清門外之西。置奠几。陳燎牀於燎所。具楮幣九萬。設

祭文案於殿檐下稍西。鑿儀衛官校陳鹵簿。王公百

官。公主。福晉。命婦。各集於其位。如前儀。侍衛班領導治喪儀。王大臣。內務府總管。率執事官入。陳俎豆於几筵前。列祭筵二十有一。羊九。酒十有一尊。於丹陛左右。陳設畢。侍衛仍導以出。司祝奉祭文。禮部尚書侍郎二人恭引。由

乾清門中門入。設於案。出。執事者出入皆導以侍衛班領後仿此。內監奉

冠服篋。設於供牀。屆時。禮部尚書奏請

皇帝自翼室出。詣

几筵。哭就位。內外集序。傳哭。獻茶。上膳。如前儀。司祝進至案

前。奉祭文至檐外正中。北面跪。禮部尚書侍郎二人

左右跪。展祭文。執事官進奠几。

皇帝於几前跪。眾各於其位跪。哭暫止。讀祭文。畢。仍復於

案。退。傳哭如初。奉爵。王大臣跪進爵。

皇帝祭酒三爵。每祭一拜。興。眾隨叩。興。乃徹。司祝奉祭文。

禮部尚書侍郎恭引。內監奉

冠服篋。宮殿監侍二人。內大臣十人。恭引。均由中門出。送燎

所。

皇帝由

大清通禮 卷四十五
乾清左門出跪候

冠服過從行王公內大臣侍衛於

乾清門外跪候過隨豹尾槍後從行鴻臚寺豫引三品
以下各官於燎所東西列跪候過

皇帝詣燎位前跪衆皆跪奉爵王大臣跪進爵

皇帝祭酒三行禮如前儀與稍後西向立衆隨叩與奉爵

王大臣灌畢哭止

皇帝還翼室衆退

右殿奠

諏日奉移

殯宮豫日以奉移祇告於

几筵啟奠陳設讀文

祭文翰林院撰擬

奠獻內外集序均如殷奠儀

右啟奠

屆日五鼓鑾儀衛陳

法駕鹵簿治喪儀王大臣率執事官校入徹級衣補展豫送
殯宮工部陳大昇輦於

景運門外校尉民夫均服其服分班立候戒在途執事
官役謹敬集事王公百官於

梓官所出門外。列定班位。豫俟。

皇后

妃。

嬪暨公主。福晉夫人。命婦。豫往。

殯宮集。屆時禮部尚書奏請。

皇帝詣

梓官前。哭。執事官進奠几。

皇帝祭酒三爵。每祭一拜。興。立於左。治喪儀王大臣。工部

鑾儀衛使率執事官校進小舉恭奉

梓官啟行。

皇帝哭從。

梓官出

乾清門中門。直班內大臣侍衛於門外跪哭至

景運門外。登大昇輦。初班校尉恭昇。

皇帝西向跪。凡換班皆跪。後同。禮部尚書祭輦。奠酒三爵。每奠行

一叩禮。輿校尉昇行。

法駕鹵簿前導。

皇帝於

梓宮左步行恭送。治喪儀王大臣禮部工部內務府及恭送之王貝勒貝子公等夾道隨行。文武百官咸跪哭。侯過興隨行經過門橋內大臣祭酒三爵每祭一叩興

靈駕至

殯宮大門外大昇輦止。

皇帝於門外之左跪迎哭。眾隨跪哭。校尉恭昇

梓宮入中門至

殯殿。

皇帝隨入。立於殿檐東。王公至輔國將軍大學士八公侯伯

子男至副都統副都御史蒙古王至台吉於大門外

序立。東西面。其餘文武百官於旁門外序立。治喪儀

王大臣率宮校入殿奉安

梓宮於殿內正中。設綴衣黼展如初。

皇帝詣奠位。奠爵。眾隨叩。如前儀。既畢徹饌闔門。哭止。

皇帝居側殿。苦次。還宮倚廬。二十七日後。

皇后

妃

嬪以下還宮。眾各退。既殯朝夕上食。日中進果筵如初。

二十七日之後

皇帝詣

殯宮奠酒。日一次。既週月。閒日一次。再週月。閒二日一次。餘日。

命皇子諸王分詣恭奠。內務府官護軍領催等於大門外之東。命婦婦人於大門內之西。各更班齊集。每日隨朝。哺日中三奠。舉哀行禮。治喪儀王大臣恭視。黍飾。

梓宮凡四十有九次。

右奉移殯宮

諷日。行初祭禮。前期翰林院撰祭文。屆日工部設墓於。

殯宮門外之西。置奠几。設祭文案於。

殯殿西檐下。陳燎牀於燎所。具楮幣四十萬。鑿儀衛陳。

法駕鹵簿於大門外。治喪儀王大臣內務府總管等率所司。

陳俎豆於

殯殿內。列祭筵八十有一。羊二十有七。酒四十有一。尊於丹。

陛左右。設奠几於正中。司祝奉祭文。禮部尚書侍郎引入。設於檐下西案內。監陳。

冠服篋於供牀。均如初儀。王公百官於大門外分位集。俟福
晉以下。一品命婦以上。於二成門內之右集。俟內府
入直之命婦。婦人於二門外集。俟在內公主福晉等
集於殿內。屆時

皇帝喪服詣

几筵前哭。衆傳哭獻茶。上膳讀文畢。

皇帝奠酒。行禮。衆隨行禮。及送燎。

皇帝出殿左門。跪候。

冠服過。從行至大門外。王公以下皆跪候。過從行。三品以下
各官。鴻臚寺豫引於燎所左右列跪候。過。

冠服祭文。送至燎所。恭安於燎牀。

皇帝詣奠位。跪。衆皆跪。奉爵。王大臣進爵。

皇帝奠爵三。每奠一拜。興。衆隨叩。興。奉爵。大臣灌。畢。哭止。

退。均如殷奠之儀。翼日釋祭。遣官行禮。陳饌。筵十有
一。羊五。酒五尊。楮幣三萬。不設鹵簿。不齊集。不讀祝。
禮部工部內務府光祿寺堂屬官執事。餘如儀。

右初祭

諏日行大祭禮。前期撰祭文。執事諸司供備。至日陳

設祭筵內外集序讀文哭奠送燎均如初祭次日釋亦如之。

右大祭

週月陳饌筵二十有一羊九酒九尊具楮幣十萬皇帝喪服哭奠行禮王公百官素服去冠飾隨跪叩傳哭均如初儀。碁年以內未葬月有奠祭筵十有一羊五酒五尊餘陳設禮儀均與殷奠同。

右月奠

取日恭上

尊諡

制下先期禮部具疏請

命總理王大臣內閣九卿暨翰詹科道文六品武四品以上官集議恭擬

尊諡

廟號進呈

欽定工部豫製香

冊香

寶及宣讀絹

冊絹

寶於製造所翰林院撰

冊文。

寶文。既辦。擇良辰恭鐫。是日。所司豫設案於內閣政事堂中。

設冊寶亭二。香亭一。於製造所門外。內閣大學士。學

士。禮部。工部。尚書侍郎。咸素服。集政事堂。祇俟。工部

官奉

冊。

寶設亭內。鑾儀校昇行至內閣門外。亭止。有司奉

冊。

寶恭設於案。退。大學士等行三跪九叩禮。大學士一人奉

冊。一人奉

寶。以授匠人。鐫字於潔室。恭上

尊謚。前一日。遣官各一人。祇告

天。

地。

太廟。

奉先殿。

大清通禮 卷四十五
社稷如常告儀。詳吉禮。至日五鼓鴻臚寺官豫設冊寶案各

一於

太和門正中南向。鑾儀衛官設黃亭二於階下。南北肆設

法駕鹵簿於

殯宮大門之外。內務府太常寺官設香案於殿內正中。左右設宣讀冊寶各一案。又左設香冊香寶案。漏未盡。執事官咸入。王以下公以上於

協和門外集序。均素服。禮部侍郎二人詣內閣奉宣讀

冊文。

寶文於函。至

太和門階下。豫設亭內。退。大學士二人自閣奉香

冊香

寶於盞。至

太和門階上。恭陳案上。跪三叩。興。退。祇俟於丹墀東。質明。欽天監官報時屆。禮部尚書詣

乾清門奏請

皇帝素服。乘輿出宮。至

太和門北階降輿。司拜褥官豫設拜褥於門檻外正中。

皇帝由

太和左門出。詣案前立。北向。閱

冊

寶訖。就拜位立。行一跪三拜禮。興。轉立東次。西向。司拜褥官

徹拜褥。大學士二人進詣案前。跪三叩興。奉

冊

寶分設亭內。跪三叩興。禮部尚書奏禮畢。

皇帝易喪服。豫詣

殯宮配殿。祇埃。鑾儀校恭昇冊亭。寶亭。以次行。禮部官十人

前引導。以御仗二。華蓋一。奉冊寶。大學士暨執事官

從。王公於所集之位。跪。候亭過。興。以次從。至

殯宮門外。公侯伯以下。四品官以上。皆跪迎。黃亭由大門中

門入。至內門止。禮部尚書侍郎二人奉宣讀

冊文

寶文。豫陳於殿內左右案。大學士二人詣亭前。跪三叩興。奉

香

冊香

實禮部尚書侍郎恭引。由中門中路進殿中門。陳於左案。跪。

叩如初。退。欽天監報時屆。禮部尚書詣。

配殿奏請贊引。對引太常寺卿二人恭導。

皇帝由大門左門入。就正中拜位前立。鴻臚寺官引王公於階下東西。公侯伯以下文武四品官以上於大門外按翼序立。典儀贊執事官各共迺職。贊引奏就位。

皇帝就拜位。北向立。司香奉香合進。贊引恭導。

皇帝詣香案前立。司香跪。贊引奏跪。

皇帝跪。奏上香。司香進香。

皇帝受香合。拱舉。仍授司香。興。三上香。奏復位。

皇帝復位立。奏跪拜興。

皇帝率羣臣行三跪九拜禮。興。贊引奏跪。

皇帝跪。羣臣皆跪。典儀贊進。

冊。大學士自東案奉香。

冊。跪進於左。

皇帝受。

冊。拱舉。授禮部尚書。跪接。興。奉安於案。跪三叩。興。退。進寶於右。如進。

冊之儀。迺宣。

冊宣冊官詣案北而跪。恭奉絹。

冊宣訖。復於案。三叩興退。宣。

寶儀同。贊引奏跪拜興。

皇帝率羣臣行三跪九拜禮。興。迺奠帛。讀祝。三獻爵。如儀。

禮畢。執事官奉祝帛。禮部尚書侍郎二人。詣冊寶案。

前。跪三叩興。奉宣讀。

冊文。

寶文。送燎所。由中道出。

皇帝轉立拜位。東旁西向。俟過復位。贊引奏禮成。

皇帝還宮。衆退。翼日。

頒詔天下。儀詳吉禮。

右上尊諡。

百日。陳饌筵二十有五。羊九。酒十有三尊。楮幣十有

一萬五千。內外集序。讀文。哭奠如初。祭儀。

右百日祭。

歲逢清明中元。冬日至。歲除日。

梓宮在殯。均以時致奠。

皇帝親詣行禮。豫日。諸司供備。屆日。陳祭筵。羊酒具楮幣。

內外集序。讀文。清明不哭。奠。冬日至。不哭。餘均如前儀。

右時薦

諏日行大葬禮。前期。禮部疏

聞豫

簡王公大臣。相度吉壤。工部營治

山陵如制。內閣撰擬

陵名進呈

欽定。先期。禮部會內務府疏

聞。徧布諸司供備。迺封

陵山。遣禮部尚書侍郎。致祭。太常寺具祝版香帛。

皇帝御中和殿。

閱視。如儀。祭日。有司設壇於

陵東南。承祭官奠獻。行禮。如告祭

五陵山之儀

山陵工竣。復祭

陵山。同日並遣官致祭

后土。

大清通志 卷四十五
司工之神如興工祭儀。

右封祭

酒

簡大臣為嚮導總領。率嚮導官相視。

梓宮所出之都門。至

山陵。量地遠近。計日分程。工部平治道路。為

行殿於宿次。

行殿及

陵旁。均設廬。供張畢備。前期三日。遣官各一人。以奉移

山陵。祇告

天。

地。

太廟後殿。

奉先殿。

社稷。均如儀。

右視途祇告

前奉移一日。祖奠。陳祭筵三十有一。羊九。酒十有五。尊。楮幣十有五萬。內外集序。讀文。哭奠。如啟奠儀。

右祖奠

屆日五鼓所司陳

法駕鹵簿大昇舉於

殯宮門外設冊寶亭於階下執事官各共乃事治喪儀王大

臣率官役豫入

殯殿出綴衣黼辰王公百官素服畢集四品以下官豫於都

城外集竣王以下三品官以上於門外鹵簿之末左

右序立三旗內務府官於大臣班後序立福晉以下

二品命婦以上集於大門之內內務府命婦婦人集

於門外屆時禮部尚書奏請

皇帝喪服詣

梓宮前哭祭酒三爵每祭行一拜禮眾傳哭隨叩畢

皇太后詣

梓宮旁三奠爵

皇后率

妃

嬪暨公主福晉郡主等皆集於殿內哭拜如儀卒奠

皇帝退立於左西向

皇太后。

皇后。

妃。

殯以下。退立殿後。奉冊寶官奉香。

冊香。

寶。安於亭內。治喪儀王大臣。工部鑾儀衛率執事官。校尉。進

小舉恭移。

梓宮。由中門出。內外集者各於其次跪。哭。候過。

皇帝由殿左門出。詣大昇舉之左。北向。跪。候。

梓宮登輦。禮部尚書祭酒。三行三叩禮。畢。

皇帝興。步行恭送。

皇太后。

皇后以下。瞻仰。

梓宮啟行。由閒道詣宿次。福晉命婦亦由閒道先行。

靈駕發。

冊寶亭及

騎駕鹵簿前導。治喪儀王大臣。禮部。工部。內務府鑾儀衛官

屬。夾道巡行。豹尾班侍衛佩儀刀。弓矢。侍衛扈從。三

品以上官按品隨行。校尉按班昇輦。及更班。

皇帝率眾跪候。凡途中更班皆跪候。後同。畢。迺行。

梓宮出都門內。大臣祭酒三叩。凡過門橋皆祭酒。後同。四品以下官各

於其次跪哭。候過興。

皇帝乘輿由閒道豫往宿次候迎。王公百官乘馬分班以從。

靈駕至宿次。

皇帝恭迎於幔城北門外。跪哭。王公百官均隨跪哭。候過興。

梓宮奉安於

行殿正中。籍以氈毯。前設洪牀案几。左右陳

冊寶陳

騎駕鹵簿於門外。王公百官按翼按品序立。所司進果筵。

皇帝行晡奠禮。祭酒三爵。三拜。眾隨叩。卒奠。闔門。

皇帝退居廬。治喪儀。王大臣戒所在官軍祇嚴宿衛。翼日

沐爽。

皇帝詣

行殿朝奠。舉哀。祭酒。眾隨舉哀行禮。均如晡奠儀。治喪儀

王大臣率昇校進。

靈駕發導引翼衛如前儀。

皇帝率王公百官跪候過從行里許仍乘輿由閒道詣宿次豫埃羣臣步從至昇校更班之所乃乘馬。

皇太后。

皇后。

妃。

嬪瞻仰啟行仍乘輿先詣宿次。

御道所經百里內守土官素服跪迎於道右舉哀候過赴

宿次於網城門外行三跪九叩禮屆奠時於右翼班

末隨行禮如儀凡在途之日並同。

右宿次朝夕奠

靈駕將至

陵。

皇帝。

皇太后。

皇后。

妃。

嬪豫至

陵恭竢守

陵貝勒公大臣官員於十里外跪迎。變儀衛陳設鹵簿如儀。靈駕至。

皇帝迎於大門之左。跪哭。王公百官隨駕。先至者均隨跪哭迎。從。

梓宮後行者近

陵橋。止馬步從。

靈駕至

享殿門橋南。大昇輦止。

皇帝跪視降輦。校尉恭昇

梓宮由

享殿中門入。

皇帝由左門入。奉安

梓宮於

享殿正中。陳設几筵畢。

皇帝詣殿內。奠酒。率羣臣舉哀。行禮如儀。出還居廬。衆退。

皇太后。

皇后。

妃。

嬪等入。

享殿右門。詣殿內奠拜。畢。均回。

行宮。是日。遣官祇告各。

陵並。

后土。

皇陵山神各如儀。翼日。遣奠。所司陳鹵簿於。

享殿門外。設幕於門內之左。置奠案。陳祭文於殿檐下。陳祭。

筵二十有五。羊七。酒十有五。尊楮幣九萬。往送王公。

百官及在。

陵貝勒公大臣官員。皆按班集序。屆時。

皇帝由。

享殿左門入。詣殿內哭奠。讀文。行禮。衆隨哭。行禮。均如祖奠。

之儀。

右遣奠。

誼日奉安。

大清通禮 卷四十五
元宮前三日遣官各一人祇告

天

地
太廟後殿。

奉先殿

社稷如常告儀。工部官豫以織葦爲殿於方城門外。接方

城以木爲平臺。陳龍輜於

葦殿正中。設戢橋於方城前。及

陵門外。有木軌於隧道內。自方城徑達

元宮寶牀之前。先一日。

皇帝行遷奠禮。如遣奠儀。卒奠。王公百官於

隆恩門外。按品集序。如初。福晉以下。命婦婦人。豫詣方城

西旁立。俟。

皇帝於幄次。少俟。執事王大臣率屬戒辦。屆時。

皇帝詣

梓宮前哭。祭酒三。每祭一拜。衆皆哭。隨行禮畢。

皇帝退立於丹陛之左。執事者入殿。恭奉

梓宮。降中階。循殿東行。

皇帝跪候過輿。豫入

陵左門。

梓宮登戲橋。由

陵中門入。至平臺奉安

梓宮於

寶城前

葦殿正中登龍輅。北向去。幟陳設几筵畢。

皇帝詣

梓宮前哭祭酒三。每祭一拜。眾皆哭。隨行禮。乃徹。送燎。

皇帝仍由左門出。還

居廬。

右遷奠奉移近元宮

奉安日所司慎簡工役執事王大臣。祇率供事內外

集序如初。屆時

皇帝詣

葦殿內哭祭酒。每祭一拜。眾皆哭。隨行禮畢。

皇帝出

陵門外跪候

梓宮御龍輜。執事奉輜。循軌行。入於

元宮。侍衛執鐙前導。王大臣隨入。敬視永安於

寶牀上。禮部內務府大臣奉

冊寶陳於左右石案。執事以龍輜及木軌出。封石門。大葬禮

成。遣官祇告

陵山。

后土之神。

皇帝哭入

陵左門。詣祭臺前。奠爵。行禮。衆皆哭。隨行禮。卒哭。

皇帝乃出。詣幄次。

皇帝山右奉安山陵

是日恭題

神主行虞祭禮。所司陳黃輿於

隆恩殿丹陛之下。設

寶座於殿內正中。南向。前設供案。陳設牲牢俎豆。又設帛案

香案各一。陳制帛香盤尊爵鑪鐙具。設祭文案於西

檐下。設題主案於香案之東。南北肆。司拜褥官豫設

皇帝拜位於殿內正中。司祝司帛司香司爵以次序立於

殿內東西典儀立殿外東階掌燎立於

隆恩門外燎所奉檯大臣豫由東

配殿恭奉

神主檯陳於案滿漢大學士各一人朝服入埃禮部尚書詣

幄次奏時

皇帝御素服加冠飾執事暨陪祀官服同出次贊引對引太常寺卿

二人恭導

皇帝由西階入

隆恩左門入陞東階進殿左門詣拜位北向立鴻臚寺官

引陪祀王以下入八分公以上於露臺上序立引次

五品武四品以上官於丹墀內序立奉檯大臣進啓

檯奉

神主恭設於東案大學士二人詣案前行一跪三叩禮興就

位恭題

神主畢啟檯大臣恭奉

神主跪安於

寶座三叩興退迺行虞祭禮上香讀祝三獻爵送燎均如

隆恩殿親饗之儀詳見吉禮

右題主虞祭

祭畢。變儀衛。率官校。移設黃輿於露臺上正中。南向。
太常寺卿一人。北面跪。奏請

神位登輿

升祔

太廟。三叩興。退。贊引恭導

皇帝詣

寶座前。行一跪三拜禮。興。恭奉

神位。贊引對引。暨大學士。恭導由殿中門出。奉安於黃輿。三

拜。興。退。立於左。校尉昇輿。導以御仗黃蓋。內大臣十
人。大學士四人。前引。

皇帝率王以下各官。跪候過。隨行。

神輿出

隆恩中門。大學士退立左右。

皇帝由左門出。先詣宿次。恭俟。

神輿出

龍鳳門。內大臣。豫詣

紅門外。祇俟。侍衛禮部尚書侍郎率官屬十人。進前恭

導至

紅門外止立。內大臣乘馬導行。侍衛扈從。王公百官序從。均乘馬至宿次。所司豫張黃幄。奉安。

神位黃輿。前設供案。陳果品十。有二爵三寶酒。又設香案一。

於正中。前爲拜位。太常寺卿奏請行夕奠禮。恭導。

皇帝詣香案前。上香。行三跪九拜禮。畢。還。

居廬。翼日朝奠。

親詣上香。行禮。畢。出幄次。轉立於左。所司徹案。校尉舁輿。禮部尙書暨太常寺卿恭引至網城南門外止。內大臣侍衛前導。後扈如初。

神輿出。

皇帝跪候過。輿仍先詣宿次。恭蒞。王公百官於網城外跪候過。隨行。

御道所經。守土官朝服。跪迎道右。至宿次。行謁見禮。三跪九叩退。在途每日儀同。

神輿至都城前一日。

皇帝還京。豫蒞。遣官恭代夕奠。就香案前上香。畢。退至幄外。行禮。次日。恭代朝奠如之。奠畢。校尉舁輿出次。遣。

官於西跪候

神輿過隨行是日王公百官均朝服從

神位還京

升附

太廟至

大清門王以下文武百官跪候過輿

神輿至

天安門贊引對引恭導

皇帝跪迎如儀儀詳吉禮

右神位還京

暮年小祥

皇帝詣

陵於

寶頂方城前行禮前期翰林院撰擬祭文執事諸司供備部

院大臣官員三分之一隨往先一日

皇帝謁

陵儀詳吉禮禮畢還

居廬所司豫張黃幄於

明樓前丹陛之上。幄內設供牀一。設祭文案於階上之西。設燎牀於

隆恩門外燎所。殿東設幕。置奠案。祭日黎明。內監奉

冠服篚。安設供牀。所司陳祭筵三十有一。羊九。酒十。有五尊。

禮部尚書奉祭文。安於西案。鴻臚寺官引王公大學

士。內大臣侍衛於

陵門外。公侯伯子男以下。文武百官於配房前。按翼序立。均

去冠飾。素服守

陵。貝勒公夫人以下。命婦及內務府婦女於

方城前丹陛。下庭西之末集序。

皇帝喪服。乘輿出

行宮。內大臣侍衛扈從。至

隆恩門外。降輿。禮部尚書侍郎恭導

皇帝詣幄。次少竢。屆時。禮部尚書侍郎奏請。遂前導

駕。由

隆恩左門入

陵左門詣

明樓前黃幄內。拜位立。尚茶舉茶案。設於階下正中。奉茶

升階。恭獻於案。灌畢退。尚膳奉湯飯進。獻於案。揭罍。司祝及展祭文官詣祝位跪。

皇帝跪。衆咸跪。司祝讀文畢。復於案。三叩退。奉爵大臣進爵。

皇帝恭奠三爵。每奠行一拜禮。興。衆隨叩。興。

皇帝復位立。舉哀。衆隨舉哀。乃徹鴻臚寺。豫引百官於燎所東西。稍遠立。司祝奉祭文。禮部尚書侍郎前引。送至燎所。避立東旁。俟內監奉

冠服篋出。內監四人前引。

皇帝跪。候過。隨行出。

陵中門內大臣十人恭導。侍衛扈從。王以下跪。候過。隨行。百官均跪。候過。至燎所。

皇帝詣奠酒位。跪。衆皆跪。奉爵大臣進爵。

皇帝奠酒三爵。拜如初。興。舉哀。衆隨叩。興。舉哀。奉爵大臣灌畢。哀止。

皇帝仍由左門出。還居廬。衆各退。

遣官致祭。去冠飾。素服。出入自右門。立於丹陛西旁。

燎位奠酒。禮部官進爵。餘均如前儀。

如暮年

山陵未竣。

梓宮猶在

殯宮祭日。陳設禮儀。內外集序。均如初祭。再暮大祥。

皇帝詣

陵致祭。或遣官行禮。所司陳祭筵羊酒。讀文集序。舉哀。均如

初暮儀。

三年既周。致祭儀同。自後逢忌辰致祭。詳陵寢儀。

右暮年致祭

中月而禫。

皇帝詣

陵致祭。前期翰林院撰擬祭文。執事諸司供備。部院大臣各

官以其半隨往。所司陳祭筵羊酒。如百日致奠之數。

內外集序。

皇帝喪服。率羣臣舉哀。讀文致祭。奠酒行禮。均如暮年祭

儀。是日。週二十七月。

皇帝

皇后均除服。羣臣皆卽吉。

大清通禮
卷四十六
右終喪除服

大清通禮卷之四十六

凶禮

列后喪禮由

聖子皇帝主喪者初崩恭受

遺誥

命王大臣治喪事禮部內務府會疏喪儀

皇帝成服

皇子

皇孫隨成服

皇后率

如。

嬪暨皇子皇孫福晉皆同時成服。王公百官宗室覺羅及內務府所屬官人皆給白布制服。公主福晉以下二品命婦以上及內務府所屬婦女給布制服如之。皇帝居翼室。喪服二十七日。

上諭用藍筆。二十七日外易素服。

御門聽政。詣

几筵前仍喪服。二十七月而除。

皇后服如之。

皇子。

皇孫及治喪儀王大臣。

殯官守衛執事官人服百日。羣臣服二十七日。素服不薙髮。百日。奏疏文移用藍印十有五日。過音樂。止昏嫁。百日。餘儀與

列聖初崩同。

右初崩制服

其日殮奠。所司於奉安

梓宮殿內正中施黃幔。左右素帷。內鑾儀校陳儀駕於

宮門外。諸執事皆辦。

皇帝立殿檐東。西向哭。

皇子。

皇孫立丹陛西。

皇后率

妃。

嬪。公主。皇子。皇孫。福晉立。

几筵殿內。王公以下。文武二品官以上立。

宮門外。三品以下官立。外門之外。王公福晉夫人。郡主

以下。二品命婦以上立。

宮門內。丹墀西。三品以下命婦立。

宮門外之西。皆傳哭。內務府總管命婦率尚茶女官奉

茶。尚膳女官奉膳。由中門入。

皇帝詣

几筵前。跪。衆皆跪。尚茶女官跪進茶。內監奉茶轉進。

皇帝舉茶奠於案。行一拜禮。衆皆隨行禮。尚茶女官徹茶。

尚膳女官進膳。揭巾冪。

皇帝視上食畢。執事官進奠几於正中。

皇帝詣几前跪。奉爵。王大臣跪進爵。

皇帝祭酒三爵。每祭一拜。衆隨叩。興。乃徹饌。哭止。

皇帝還翼室。衆各退。嗣是朝。晡。自中。三奠。朝。晡。進羹飯肴。饌。日中。進果筵。餘儀均與。

列聖殮奠同。

右殮奠朝晡日中奠。

越日。禮部尚書侍郎一人。率祠祭司官詣內閣。祇領。

遺詔恭鐫謄黃。

頒於直省。遣使齋諭朝鮮國王。理藩院遣官分路往諭外。藩蒙古均如頒。

遺詔儀。

詔下之日。順天府府尹率屬制服。跪迎。奉安於公署。直省文武官率屬素服。郊迎。入公廨。奉安畢。易制服。均朝夕。哭臨三日。二十七日釋服。不薙髮。遏音樂。止昏嫁。各。百日。

京師暨直省軍民。男去冠飾。女去首飾。素服七日。遏音。

樂止昏嫁。二十七日。朝鮮國王遣陪臣上表進香。其使臣在京者。給白布制服。外藩蒙古王。台吉。公主。福晉等。入京行叩謁禮。在二十七日以內。皆制服。後二十七日。至者。男去冠飾。女去首飾。各三日。

右頒遺誥

陳
誨日。殷奠。工部設祭文案於殿檐下之東。內鑾儀校

儀駕。宮殿監侍。導治喪儀。王大。臣。內務府總管。率執事官入。

陳饌筵。羊酒畢。仍導以出。執事者出入。皆導以內務

府總管。命婦率內管領妻奉

冠服筐。後奉筐均仿此。豫設於供牀。

皇帝詣

几筵前。哭。內外齊集者。傳哭。奠茶上食。讀文。三祭酒。衆隨行禮。徹奠。

皇帝避立於左。祭文送至燎所。首領內監接奉。內務府命婦。內管領妻奉

冠服筐出。

皇帝跪。候過。興。從行。公主。及在內福晉。咸出。隨行。王。公。百

大清通禮 卷四十六
官皆退避。齊集之福晉命婦各於其位跪候過。興隨行。

皇帝至燎所。跪。眾咸跪。

皇帝祭酒三爵。每祭行一拜禮。眾隨拜。興畢。哭止。餘儀與

列聖殷奠同。

右殷奠

啟奠如殷奠儀

奉移殯宮

初祭

大祭

月祭以上禮儀均見

諏日恭上

尊諡

廟號

制下。禮部具疏請

勅內閣敬擬

尊諡進呈

欽定恭上

大清通禮

卷四十六

六

尊諡禮成翼日。

頒詔布告天下。餘儀均與恭上。

列聖尊諡同。

右上尊諡。

百日祭。

清明。

中元。

冬至。

歲除在殯時薦列聖喪禮。以上禮儀均見。

諷日。行大葬禮。前三日祇告。

天。

地。

太廟後殿。

奉先殿。

社稷前一日。祖奠屆日。奉移。

梓宮。

皇帝率。

皇子。

大清通志
卷四十六
皇孫王公百官。

皇后率

妃。

嬪皇子皇孫福晉以下。命婦以上。恭送。在途朝夕奠。

梓宮至

山陵奉安於

享殿遣官祇告

列聖陵寢並祭

陵山。

后土之神。翼日行遣奠禮奉安

元宮前三日遣官祇告

天。

地。

太廟後殿。

奉先殿。

社稷先一日奉移

梓宮於

寶城前

九清通前
輦殿行遷奠禮。屆日。

梓宮御龍輜執事官恭奉。循隧道木軌入。

元宮永安於。

寶牀。是日。行敬題。

神位禮恭奉還京。在途虞祭。至京。

升祔。大葬禮成。遣官致祭。

陵山。

后土之神。均與。

列聖大葬禮儀同。

右大葬

朞年小祥

再朞大祥

中月而禫

皇帝釋服

以上禮儀均見
列聖喪禮。

若由

皇帝主喪者。初崩。

勅諭羣臣。布告天下。去冠飾。輟朝。

皇子去冠飾。卽次哭踊。

大清通禮

卷四十六

九

如。

嬪暨皇子福晉皆去首飾。卽次哭在京王公百官宗室
覺羅及內務府所屬官人皆制服。公主福晉以下二
品命婦以上及內務府所屬婦女皆制服。

皇帝縞素。以白綢為之。旬有三日易素服。閏二月釋服。

親詣

几筵前視奠。仍素服。至暮年除。

皇子喪服百日。易素服。詣

几筵前仍喪服。二十七月而除。皇子福晉服如之。

如。

嬪服二十有七日。文淑二品官以上立

皇孫及治喪儀王大臣。

殯宮守衛執事官人服百日。羣臣服二十有七日。素服不
薙髮。百日文移用藍印。十有三日。京朝官服內過音
樂止昏嫁。餘儀與

列后初崩同。

右初崩制服

其日殮奠。所司於奉安

大清通禮 卷四十一
梓宮殿內正中施黃幔。左右素帷。內鑾儀校陳儀駕於

宮門外諸執事皆辦。

皇帝親臨視奠。至丹陛正中降輿。哭。後親臨視奠儀同。

皇子立丹陛東。

妃。

嬪公主皇子皇孫福晉立

几筵殿內。王公以下文武二品官以上立

宮門外。三品以下官立。外門之外。王公福晉夫人郡主

以下。二品命婦以上立。

宮門內丹墀西。三品以下命婦立

宮門外之西。皆傳哭。內務府總管命婦率尚茶女官奉

茶。尚膳女官奉膳。由中門入。尚茶女官跪進茶。恭奠

於案。行一叩禮。

皇子以下。皆北面跪叩。徹茶。尚膳女官揭巾幕。上食畢。

執事官進奠几。

皇帝詣奠位坐。西向。奉爵大臣跪進爵。

皇帝受爵三奠。

皇子以下皆行三叩禮。乃徹奠。哭止。

皇帝乘輿還宮。

皇子返苦次。眾各退。嗣是朝。晡日中。奠。朝。晡。進羹飯。肴饌。日中。進果筵。餘儀均與。

列后殮奠同。

右殮奠。朝。晡。日中。奠。

越日。內閣繕。

勅下禮部。恭鐫膳黃。

願於直省。遣使齋諭朝鮮國王。理藩院遣官。分路往諭外。

藩蒙古均如頒。

詔儀

勅下之日。順天府暨直省文武官。均去冠飾。制服集公所。哭臨三日。二十七日釋服。百日不雜髮。軍民男去冠飾。女去首飾。素服七日。自品官達於民庶。過音樂。止昏嫁。各如其制服之日。朝鮮國王遣陪臣上表進香。其使臣在京者。給布制服。外藩蒙古王。台吉。公主。福晉等。入京行叩謁禮。在二十七日以內。皆制服。後二十七日。至者。男去冠飾。女去首飾。各三日。

右頒勅

誦日。殷奠。工部設祭文案於殿檐下之東。內鑾儀校陳

儀駕。宮殿監侍導治喪儀。王大臣。內務府總管率執事官入。陳饌筵。羊酒畢。仍導以出。執事者出入皆導以內

務府總管命婦率內管領妻奉

冠服篚。後奉篚均仿此豫設於供牀。

皇帝親臨哭。

皇子以下。內外齊集者傳哭。奠茶上食。讀文。

皇帝三奠酒。

皇子跪叩。眾隨行禮。徹奠。

皇帝還宮。

皇子避立於左。王以下各退避。祭文送至燎所。首領內監接奉。內務府總管命婦內管領妻奉

冠服篚出。

皇子跪候過。興。皇子福晉隨行。集序之命婦皆於其位跪候過。興。隨行至燎所。送燎。皇子福晉跪奉爵命婦跪進爵。皇子福晉祭三爵。每祭行一拜禮。眾隨拜。興。

畢哭止。餘儀與

列后殷奠同。

右殷奠

啟奠如殷奠儀。

奉移殯宮

初祭

大祭

月祭列后喪禮。以上禮儀均同。

諏日遣使

冊諡禮部承

旨具疏請

勅內閣敬擬

冊諡進呈

欽定如冊諡業由禮部即諏吉疏。聞。欽定制下日。屆期奏請。

命親王一人充

冊諡使郡王一人副之恭行

冊諡禮成翼日

頒詔布告天下餘儀均與恭上

列后尊諡同。

右冊諡

百日祭

清明

中元

冬至

歲除在殯時薦

列后喪禮。以上禮儀均同。

誼日行大葬禮先期敬題

神位恭奉還京

升祔

奉先殿前三日遣官祇告

天。

地。

太廟後殿。

奉先殿。

社稷前一日祖奠屆日奉移

梓宮。

皇帝親臨奠酒。

皇子。

皇孫暨王公百官。

妃。

嬪皇子皇孫福晉及王福晉以下命婦以上恭送。在途

朝夕奠。

梓宮至

山陵奉安於

享殿遣官祇告

列聖陵寢並祭

陵山。

后土之神翼日行遣奠禮奉安

元宮前三日遣官祇告

天。

地。

太廟後殿。

奉先殿。

社稷先一日奉移

梓宮於

寶城前

葦殿。行遷奠禮。

皇帝親臨視葬。屆日。

梓宮御龍輜。執事官恭奉。循隧道木軌。入

元宮。永安於

寶牀。大葬禮成。遣官祇告

陵山。

后土之神。均與

列后大葬禮儀同。

右大葬

替年小祥

再替大祥

中月而禫

皇子釋服

以上禮儀均同
列后喪禮。

皇太后

所親臨視葬。屆日。

皇于

親臨

以土

中且面

再葬

葬

各

